



Knud Kleemann
Atassut

UKA 2025/62
6 november 2025

Apeqquteqaat aallaavigalugu oqallinnissamik siunnersuut, isumassarsiatsialaassanersoq inatsisilioraanni, meeqqat atuarfianni klassini amerlanerpaamik atuartut 18-iusarnissaannik qulakkeerinnittussamik

Inatsisartunut ilaasortaq Jørgen Rosbach, Demokraatit

Jørgen Rosbach apeqquteqaat aallaavigalugu oqallisissiamik soqutigintartumut qaqsitsinerni qujanaq, oqallisissiaq pisariaqarlunnarpoq oqallisiginissaa.

Atassummiit pingartitaraarput meeqqat atuarfiisa pitsaasumik toqqammaveqarlutik sinaakkuteqarlutillu atungassaqaqfiunissaat, imaappoq ilinniartitsisut naammagintartumik atungassaqaqtitaallutik ilinniartitsisinnaanissaat aammalu meeqqat toqqissillutik pitsaasumik sinaakkuteqartik atuarfinni atuartuusinnaanissaat.

Apeqquteqaat aallaavigalungu oqallinnissamik siunnersuuteqartup Demokraatineersup Jørgen Rosbachip isummamik ilalernartitaminik qaqsitsinera tassalu inatsimmik aalajangersakkamik killiliisinnaaneq klassemi annerpaamik 18-inik atuartaqartassasoq toqqammaviatigut Atassummiit isumaqatigaarput, erseqqissaatigerusulluguli inatsisit pituttuisarnerisa qanoq kinguneqarnissaat inuiaqatigiinnut meeqqallu atuarfiinut sorpassuartigut ilisimasaqarfinginnatsigit qulaajarneqarsimatinnaq.

Apeqquteqaat aallaavigalungu oqallisissiamik siunnersuuteqartup allakkamini erseqqissaatigaa IMAK-p isummamut tapersiinera, IMAK-illu tusagassiutitigut nalunaarutaani oktoberip aallaqqaataani 2025-meersumi IMAK Naalakkersuisut oqalugiaataannut akissuteqaataani atuarneqarsinnaavoq ilinniartitsisut amerlavallaat misigisaraat ilinniartitsisuunerup avataatigut suliaasaqarpallaarneq; ilinniartitsisut amigaataanerat; aammalu matumunnga qulequttamut attuumassuteqarlunnartoq atuartut amerlasuut ilinniartitsisumik kisermaanneqartariaqartarnerat.

Pissutsinik aaqqissuerusukkaluarluta meeqqat atuarfianni aporfipput aallarereertarpoq ilinniartitsisussaaleqinnerminngaanniit, ilinniartitsisummi amigaataatillugit pitsaasumik eqaatsumillu aaqqissuunissaq meeqqat atuarfianni killeqalereertarpoq. Matumanilu aamma inatsimmik aalajangersakkamik killiliinissamik apeqquteqaat aallaavigalungu oqallinnissamik siunnersuuteqartup qaqsitaanut ilinniartitsisut amigaataanerat aporfilleereerpoq.

Siunnersuuteqartup nammineerluni qaqsippaa inatsimmik killiliisoqassappat Nuummiinnaq ukiumut 33,7 mill. Kr-inik malitseqassasoq, misissorneqanngikkaluartorlu sulii sineriatinni takorluuginnarsinnaavarput Nunarput tamaat qanoq aningaasatigut ukiumut malitseqassanersoq.



Taamaattumik allannguerusukkaluarluta aporfiit ilinniartitsisussaaleqinermiiginnaratik aamma aningaasatigut attuumasuteqartarput.

Taamaattumik Atassummiit kaammattuutigaarput sukuiaaqqissaarluni misissuilluni suliaqartoqarnissaa susassaqtut peqatigalungit qanoq siunissami meeqqat atuarfianni aaqqiiniartoqarsinnaanersoq siunnersuummut attuumasuteqartumik. Atassummiit peqataaffigerusupparput aaqqiissutissaq Nunatsinni anigaasatigut attassinnaasarpur, ilinniartitsisunut, meeqqanut, angajoqqaanullu pitsaanerpaamik kinguneqaataasinnaasoq.

Apeqquteqaat aallaavigalungu siunnersuuteqartumut Demokraatineersumut Jørgen Rosbach-imut Atassummiit qujaqqilluta taama akissuteqarpugut.